

入佛明宗答問

王驤陸居士開示紀錄

天津印心精舍印行

中華民國二十九年四月

\*\*\*\*\*  
版 權 所 有  
\*\*\*\*\*

入佛明宗答問 全書一冊

定價國幣伍角  
本會會員按七折收費

發行處  
藏版處

印心精舍  
天津英租界六十號路

印刷處

愚園路一百五十四號  
上海佛學書局  
(電話三五五二四號)

## 入佛明宗答問序

吾師王驥陸居士主講於天津印心精舍。凡七稔。於學人莫不隨機啓發。同門中得明心要者。莘莘然邇年皈依日衆。請法之餘。問答甚多。同人等撫要紀錄。裒爲一帙。乃前所輯之乙亥講演錄中有未及者。天津張居士聘三發心流布。以供同參。並囑爲之序。竊惟印心宗旨。維一大事。良以衆生苦惱。哀莫大於生死。事莫重於成佛。而成佛關鍵。又在明宗。遂請於師。以入佛明宗答問爲名。先印初編。使初發心者。得入佛之門。已入門者。得明宗之路。必先知乎所以謂之佛與宗者。究竟是一是二。然後豁然于所謂入者明者。如是而已。嗚呼。佛法陵替。餘風之未墜者。惟禪淨密三宗。學人以不能明宗故。於禪則畏其難而避之。於淨又忽其易而輕之。至於密法。則更疑爲神祕。而或觀望焉。於是交諍互詆。各樹門庭。宗旣不明。佛固不可得而入矣。彼不知禪淨密者。皆屬明宗前之方便法。及至歸元。一切都捨。復何有難易優劣之可分。然而時節因緣。久無不變。法貴當機而轉。事亦應退而

興。十年以來。世變滄桑。於斯文將喪之際。忽有異軍突起。一振宗風。足以會三宗而開般若。盡法利而速其成者。厥爲中心密法。豈非因緣時會也哉。溯自我大愚阿闍黎開山以來。驤師纘其緒而日臻光大。廣攝無量之禪機。引歸究竟之淨土。凡我同門。胥已共喻。所冀羣起而發揚之。俾世人於佛法分宗之執見。如金在鑪。漸以鎔化。同歸性海。同證菩提。卽以此編爲慈航。庶不負驤師入塵普度之婆心也。夫是爲序。

民國二十有九年庚辰新春京江蔡鍾駒謹序

# 入佛明宗答問（初編）

同人敬錄

問 人何故而應當學佛。

答 爲了生死故。應明此一大事因緣故。此是正宗。亦名正法。

問 人因何而入生死。

答 人各有各佛性。本來清淨寂滅。無有生死。只緣見境而起妄見。執取不捨。隨幻心以轉輾流浪。遂入生死。且習久不覺。此入彼出。六道往來。無有止息。遂名生死輪。而一念之起滅。卽一生死也。

問 如何能了生死。

答 了有二義。一爲了解。明了生死之義。本不可得者。此屬於理。二爲終了。在明心見性後。永不入六道者。此屬於事。但此二了。僅斷分段生死。終未離義。亦未離法。遂未離心。畢竟還在生死中。必待功深力足。法淨心空。了了時。無

可再了。則不取生死。不厭生死。此變易生死了。而生死真了矣。

問 學佛何以能了生死。

答 生死之義。非佛出世。世人終不得明。終不得了。所以恩深難報。雖粉身碎骨。無以酬也。且佛尚有種種了生死法門。爲人方便。不可盡述。

問 何以佛有種種法門。

答 因衆生有種種習性。故如病有多種。方藥亦多種也。

問 方藥雖多。究有所宗一否。

答 曰。有。佛以衆生之所以入生死者。由一惑字。以不識自己未入生死前之本來面目。故惑。不明一切因地與果地。故惑。能使其不惑。則生死自了。此惟令其明自己之心。見自己之性。所謂方便多門。歸宗不二。是第一義。名曰宗一。

問 捨明心見性外。另有法門否。

答 只此一門。除明心見性外。諸法皆不是佛之正法。

問 何故不是佛之正法

答 佛是覺義。以不明心地。不見心性相貌者。皆不名正覺。故不是正法。

問 在未明心前。修一切法門。如念佛。讀經。持咒等。豈亦名爲非正法耶。

答 曰。然。因了生死成佛。是究竟義。到彼岸爲宗。此念佛等法。是坐船乘筏法。爲歸宗之前方便。及到近彼岸。自身兩腳跳上岸時。才是眞佛法。及已上了岸。連佛法亦不有。一切清淨無餘。斯則名爲佛矣。

問 佛法何以要分宗。

答 佛本不分宗。是爲後來人方便。然反分門戶之累。如守戒爲律宗。本來戒體戒相具足。利根人原可一悟成佛。但愚人一法不能開悟。勢必加行他宗。故律宗者。以律法歸於宗也。非僅以律爲宗也。禪者。以禪定法歸宗也。非僅以禪爲宗也。又修禪者。非不修戒律也。第戒律亦有初學久修深淺之不同。方法亦宜隨變。非廢之也。淨土宗者。亦以淨土法歸宗也。歸宗後。方可往生。然

往生咒。密宗也。齋戒律宗也。發願心宗也。尙必以各宗爲輔。始可行堅證實。若專以淨土爲宗。則鄙小之見。必不肯兼修他宗。而立穢淨之劣見。今之不求自己功行。發願往生。一味謗他宗分門戶之輩。已背淨義。非佛弟子。斷不能往生。故分宗非佛之本旨也。

問 然則分宗究有礙否。

答 曰無礙。只要明白宗旨。分宗爲便於專一起見。乃一門深入之意。不故立門戶。則可。而分宗之義。因各人根器不同。有性所近者。故立先後。及將到彼岸時。則同一歸宗矣。亦不至執取一法矣。譬如大學中學之課本。自異於小學也。非小學爲劣而大學爲勝也。

問 各宗歸宗之義可略示否。

答 可。佛法各宗。有直證過渡二種。茲約述如下。

(一) 過渡者。先使修至萬法歸一後。更由一歸宗者也。

甲相宗。破相無餘。然後歸性者。

乙律宗。以戒律攝心於一。然後證入法空見性者。

丙天台。先修一心三觀成就。然後空觀見性者。

丁淨土。先修至一心不亂。證入阿俾拔致往生後。再修至華開見佛者。

戊密宗。此指東藏現行所傳諸密法。先由事相儀規。攝心歸一。然後再修無相密。直證悉地者。

(二) 直證者。下手卽尋一歸何處。直指心田者。此必隨根而授。非可普傳。且

有仗佛力與自力二種。

己禪宗。此不假文字語言諸法。仗自力一意尋參證入者。以仗自力。故非二三十年不能澈了。且痛師資之日少。加以時代不同。根器日薄。無人敢於問津。不得已求過渡法以自了。轉入他

門。此最可痛心者也。惟佛法無滅時。以佛性無滅時也。今之入佛者。皆具夙世因緣。利根亦自有人。徒以師資太少。接引乏人。遂都湮沒。今於禪宗衰落之際。忽有異軍突起。爲宗下開一無上方便法門。則無相密心中心法出世因緣也。此法至今不過十年。於民國十七年行於世。此十年中。親證心地見實相者。不可勝數。以無不與禪宗相接。世遂以禪密名之。雖於名法未合。而事實如是耳。

### 庚印心宗。

卽心中心密。此仗佛力三密加持。不重有相。維證心田。以一切修法爲

大愚阿闍黎廬山親證後特定之法。故後人依之而修。必可於二三年內證入。無三十年間津之苦矣。在初世八只知爲密法。而未了直證心田。與禪宗會合之理。至十九年後。

大師臨隱去時。開九次般若法會。始以密意示人。當初受法者。七萬餘人。中途不疑退者。不過百也。而與於九次會者。只四十人耳。故未嚐味而談味者。終難明其奧妙。何可以口舌爭耶。

問 在中國佛教中。以何宗爲大。

答 法無大小也。論人數。一若淨土爲多。然真往生者極少。只禪宗一門。其潛力最大。中國之所獨有。推行於日本台灣等地。印度反無矣。國內修禪定者。向不與世通。而國人根器特異。如老幼男女。內道外道。莫不喜金剛般若經。心經。壇經。與彌陀經也。可見其潛勢力之大矣。世人每以彌陀經爲淨土經。不知其爲禪宗之要經也。修淨土者。只得上半部。慕其極樂而已。未能通達實相之妙。如不通宗者。決難得其妙諦。會內同人。自修心中心法。印入心地後。無不喜誦此經。此經亦最難解。非可以文字語言表者。本舍於第四年始

講此經亦意在融通各宗。勿分門戶耳。此各宗之大略也。

問 入佛明宗下手之法如何。

答 此無定法。當隨機而決。授法前。先審其人。然後付法。本舍印有乙亥講演錄一書。雖覺簡陋。然尙不致誤人。內分啓機正修印證三門。亦爲入門者方便。而以明宗爲第一義也。

問 心中心法人人可修否。

答 未可定也。在未修心中心之前。另有他法可授用以接引也。

問 印心精舍何以亦參用禪宗語錄諸書。

答 非用也。借以考證其內證之深淺而已。在未明心地前。亦在不許看之列。不獨此也。讀經亦在其後。以早讀仍無用耳。

問 修心中心法後。即可了生死耶。

答 生死之了不了。在自己而不在法。如自己不痛切。任何妙法。皆無所用之。以

此等人。佛亦無可如何也。故中心法。未必人人當機。在各人因緣耳。

問 禪宗何以稱爲宗下。

答 禪宗比較他宗。至爲簡捷了當。以無教相可名。故曰宗下。不知禪定法亦尙未歸宗。宗者。究竟寂滅之圓覺實相也。空淨無染。更無法之可言。今言禪定。卽未離法。卽不是本相。故未名宗。是以禪宗者。以禪定法歸宗者也。非禪卽爲宗也。及至歸宗。並禪亦不有耳。

問 一切法門。是否先以銷除種種習氣。抑先以明心爲主。

答 此問至爲緊要。世人紛紜莫決。卽是此點。當知先明心地。後除習氣。是千古不磨之定論。心地不明。如入暗室而不開燈。雖欲整理一切顛倒。實無辦法。習氣是現行幻心之流轉。如搖動之燈光。雖迷閃。究無礙於火也。故人雖顛倒。乃一時之迷醉。其佛性本體無二也。通達不二者。自能釜底抽薪。不從習氣上下手。先從覺上着力。一覺卽回復本來。否則硬制習氣。見功於一時。而

非澈底清了。久久外境力强。又被境奪。入暗室而言整理。豈非盲修瞎鍊也哉。

問 各宗歸宗之法。其義云何。

答 各宗各法。意在借用。必修至法空。歸到心地本來面目。方得名了。如戒律者。人徒知以守戒律爲宗。此是方便初學人說法。論其究竟。必以空戒爲義。以戒者。戒其心也。心既空矣。則能所兩忘。善惡都淨。無可戒者。斯名得戒。又名戒具足。他宗亦同此義也。

問 淨宗念佛之義云何。

答 念佛直接生西。非念佛之義也。以念佛法攝心歸一。自淨其土。方可入彌陀願海。而與諸上善人相合。以衆生生者。皆必阿俾拔致也。此名不動地。非明心者。不能如是。故念佛者。改念貪念瞋念癡之習。而習於念佛念法念僧也。常念於佛者。時時不忘覺性。不離本來也。此名眞念佛。古人念佛。不似今人

之口唱。古人時刻不放鬆。時刻念佛。二六時中。不雜用心者。卽處處不忘本來。非故作如是。亦熟極功深。打成一片。流露於不覺耳。又古人念佛。只在當下一句。若已生。若今生。若當生。非若今人之求於死時。以頂暖卽爲上生。是重於臨時而不求於平日。欺人自欺。可勝歎哉。

問 帶業往生之義云何。

答 帶業者。其習氣未淨也。彼以願力足。行持堅心。已攝一故。可往生。至於三業尙未清淨無餘。不能成佛。況菩薩亦尙有習氣耶。

問 密宗卽生成佛之義云何。

答 此言明心後。顯法身見實相。爲成佛也。非習氣亦淨也。惟證法身後。除習氣方有辦法。方入正修。非於此生。並習氣亦可淨盡也。

問 嘗見許多用功人。多年苦行卓絕。然終不易得究竟。到了仍無把鼻者。是何原因。

答

此有數因。其咎半亦在師。師無方便力。識其根器。一也。不予以合機之法。二也。自己未先澈悟。不得不襲老法以示人。不知變通。三也。未能預杜學者病根。四也。爲學人解義未清。入於盲修。五也。故立門戶。六也。強分勝劣而求名聞。七也。至學人之自誤者。一曰求佛不求己。二曰考師不考己。三曰多依賴性而貪省事。四曰心不痛切而少恆。五曰性急多疑。六曰不肯於人事上練心。七曰器量太小而福薄。八曰貢高我慢。不虛心而疾人。九曰善惡之見太深。十曰不明本來。此皆誤人而自誤者也。

問

何謂解義未清。

答

如初爲人說法。必爲澈解法義。方不致中途疑誤。如定字空字佛字無字等。皆不可依表面字義而簡釋者也。定者。非如木石不動之定。雖於動中心不被境奪而惑亂。此爲定也。空者。非有無之謂。乃一切正有時。其體無自性。本來空寂。不住不執取之爲空也。佛者。非單指佛言。凡覺。凡寂。以及本來實相。

皆名爲佛也。無者。非有無之無。乃毋執取之謂也。諸如此類。非反復闡明。學人必至誤解。引入盲修。可不懼哉。

問 修持之法。究有次第否。

答 本無次第。但亦可假定如後。一曰先明根本。以明心見性爲主。二曰除習氣。三曰除餘習。初步功夫。非仗法不可。然自力爲主要。二步功夫。全在人事上練心。第三步。在意境鬆活。念念不忘。而勿執取於法。恐反不活潑也。又初爲見道。次爲修道。次爲明道。次爲證道。次爲運道。運用之也。次爲空道。卽空法也。再次爲忘道。此空空也。如是刻刻不離於道。而無道見。斯得大自在矣。

問 究如何而合學佛之本旨。

答 在不惑二字。衆生無不由惑造業。因業受苦。苦復爲惑。今以慧破惑而解空。因空而得定。定則慧生。以此三輪。破彼三輪也。

問 學佛之大機大用。究安在。